



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

5 A Focas marterer zů Antiochia.

**urn:nbn:de:hbz:466:1-41449**

## Martius

terer / auff ein tag gemartert / vnd in S. Cecilien Kirchhof begraben.

Item des heyligen Caij Palatini / vnnnd anderer 27. seiner Mitgesellen / welche hefftig gepeiniget / vnnnd vmb Christi willen im Meer extrencke / die Himelische Kron erlanget.

Item zu Nicomedia der heyligen Martierer Adriani vnd anderer 23. deren tag eigentlicher gehalten wirdt am 8. Herbstmonats / an welchem tag der heylig Adrianus zu Rom begraben worden.

Item zu Trier des heyligen Bischoffs vnd Beichtigers Basini.

Item zu Prag im Beham / die erhebung des heyligen Hertogs vnd Marterers Wenceslai / welcher am 28. tag Herbstmonats auch gesezt / vnnnd sein Fest alsdann fürnemlich gehalten wirdt.

Item zu Cöln am Rhein / die erhebung der Häupter S. Felicijs vnd Audacti / deren gedächtnuß sellt auff den 30. tag Augustmonats.

Item selige gedächtnuß / des frommen Priesters vnd Beichtigers Bosonis / in der grossen Carthaus gewesen Priors / der mit grosser Heyligkeit vnnnd Wunderzeichen / in vnd nach seinem leben leuchtet.

## A            iij. Nonas Martij. Der V. Tag im Merzen.

Anno Dñi 110. **Z**u Antiochia / ist heut der Geburtstag des heyligen Marterers Soce / der vnder dem Kayser Traiano nach viler schmach vnd schmerzen / so er vmb Christi Namen erlidten / wider die alte Schlang Triumphiret

phiret vnd gesiget / wie auch die Wunderzeichen bey seiner Kirchen vnd Hailthumb bezeugen.

Item zu Cesarea in Palestina / des heyligen Martirers Adriani / der auß befehlh des Vogts Firmiliani / an ein Feyerlichen tag / die Haiden begtengen / einem Löwen ist fürgeworffen / vnd darnach mit dem Schwert gewürget / Das er sich wie ein lebendigs Opffer / Christo auffopfferte.

Item das leyden des heyligen Eusebij Palatini / vnd anderer neun Martirer / seiner Mitgesellen.

Item die begräbnuß des heyligen Eusebionensischen Bischoffs vnd Belchtigers Drausij.

Item noch zu Cesarea / des heyligen Bischoffs Theophili / der vnder dem Kayser Seuero in Weisheit vnd Heyligkeit leuchtet / wie Sanct Hieronymus bezeuget. Anno Dñi 200.

Item inn der Statt Niuernis des heyligen Bischoffs Wilhelmi / der nit allein ein grosser Liebhaber der Göttlichen Schrifft / sondern auch gegen den Armen so milt vnd freygebig war / daß er in grosser gemainer Landstheuerung / alle tag 2000. Menschen mit seinem Gelt vnd vnkosten ernöhrete.

b Pridienon. Martij.

Der VI. Tag im Merzen.

**N**icomedia ist heut der Geburtstag der heyligen Martirer Victoris vnd Victorini / welche mit sampt Claudiano vnd seinem Weib Bassa / drey Jar lang vil Marter erlidten / vnd in der Gefengknuß den lauff ihres sterblichen lebens vollendet haben.

Item